



清詩二集分編卷

武進馬

道耕

禹躬

錢塘陸次雲雲士

定

孝感程正咸

晴田

校

武進邵長蘅子湘

江陵劉獻靖觀山

魏喬介

栢鄉相公字石生號貞菴所著有兼濟堂全集

樂府選三首

擬將歸操

河之水兮波洋洋我不濟兮非無梁迴車東望涕沾裳

行不得哥哥

行不得哥哥霖雨三月平陸爲河欲濟無梁茫茫白
波行不得哥哥

不如歸去

不如歸去遠彼繒繳喬林是處

五言古選一首

獨坐

病痊久閉門坐息得其處濛濛太古涵雲物自來去
雙樹植庭陰一鳥向人語我心澹無營冥然安所助

七言古選二首

詠杜

老杜才名高萬丈誰云刪後更無詩落筆應有神鬼
助山川風雨發其姿玲瓏刊盡琅環秘饑寒迫出奇
崛詞文章自不關花鳥性命淡沉乃出之亦知不祥
造物忌原非富貴飲豕資但快狂言喙三尺安問令
名垂來茲

贈宋玉叔吏部

自昔文章稱屈宋騷雅瑰琦誰與共今之萊陽何翩
翩之子尤爲詞伯重飽經喪亂家難俱剗刃賊腹血
模糊屢向蓬萊拾瑤草更理扁舟出鑑湖滄波風起
蛟龍動綵筆生花吞白鳳鴻名一日噪公卿麒麟之

清言二集卷
麴珊瑚狎我生性僻耽憐才相逢傾倒心曾開長安
仕宦不得意謝却春明魁太來飲君葡萄釀酌君金
叵羅亭伯不偶空知漢帝杜陵已老拔劍哀歌薊門
秋草年年白碣石廢宮誰復過君今不飲欲如何
五言律選七首

柳墅

雨後林園好褰臨見翠屏斷雲聯水白遠樹夾峯青
地僻桑麻長人閑鷄犬寧濁醪酬父老努力事郊坰
過定興拜楊椒山先生墓

未得朱雲劍櫻鱗灰不移孤墳畱易水碧血黯荒祠

正氣還天地招魂有歲時棘門松柏古樵子慎維持

南苑閱武應制

海甸和風滿昆池瑞氣開六師貔虎動八陣電星來
魚藻歌周讌金莖賜漢杯侍臣隨羽獵愧乏子雲才
雨後東戴巖犖大司農

時日不相見瀟瀟雨阻人新書看健筆精舍動芳塵
隕放香醪遠丹砂藥裏親幽篁增翠色瀟灑意何真
小築

未能居郭外架木且人羣花發忘憂草香焚辟蠹芸
林溪時見月亭冷忽生雲獨得閒中趣奚堪持贈君

寄武進陳椒峯進士

金臺知姓字十載忝長安
意氣原燕趙文章自柳韓
食貧安儉歲獨樂問漁竿
濟世須公等應難賦考槃
贈周山岑赴江陰

數載邢州客蘭陵事好遊
帆收黃欲浦酒泛杜康筍
客帳衝秋雨詩囊壓敝裘
虎頭應見憶滿壁是滄洲
七言律選五首

送秦畱仙檢討請假歸無錫

潞水西風恰順流錦帆人在木蘭舟
詔書下殿紫公緒才子承恩繼少游
座有青袍非俠客檻依紅樹是滄洲

高秋惠巖幽處泉聲寂安得從君汗漫遊

詠懷

滯迹空教愧國華故園千里卽天涯
夢回吹角三更漏望斷支機八月槎
南畝近收陶令秫東門遺種邵侯瓜
廣羊山色今如許布鞵青鞵願不賒

秋日園丁自南村移竹栽巢雲亭左右

少年曾志五湖遊金馬歸來漸白頭
幾點香銷叢菊晚一行聲帶斷鴻秋
長安冠蓋交情淡故里壺觴節物稠
更向茅亭添韻事明年新綠滿平疇
次龐雪崖檢討見詢韻

百年風物未蕭疎三徑蓬蒿掩敝廬
老眼倦看花一放室人頻歎食無餘
孤城畫角驚愁旅潭水柴門問卜居
霸越平陳皆往蹟夢回重展讀殘書

次同人和白燕詩韻

清明前後復來歸半捲湘簾入翠微
梁苑雪臺光隱現梨園花榭影依稀
疑沾柳絮飄飄下喜共烏衣款款飛
王謝當年應未識空教鷗鷺羨光輝

五言絕句選二首

慧香廓

春在葳蕤中眾芳吐不歇心幽得妙聞
皎皎花間月

宴坐

南陌落花多北窻啼鳥靜焚香復捲簾
獨坐發溪省

六言絕句選二首

雪後赴友人看梅之約

雪晴初放寒梅梅映空庭積雪不知是雪
是花此中

莫與君說

竹齋閒咏

連月門無車馬庭閒獨飲壺觴淡院疎籬
一徑水流聲到茅堂

七言絕句選三首

將營別墅作

幽居別業映層山曲澗澄心盡日閔世外煙霞應有
主擬攜猿鶴下重關

讀笏齋詩

落落天生誰與伍看宇高寒自歌舞一卷新詩何處
看鯨魚跋浪騰風雨

賜馬

天閑名騎錦雲韉從獵翩翩過古阡新出苑羣猶戀
主驕嘶不敢下金鞭

王澤弘

黃岡人字涓來號吳廬官
大宗伯所著有詩文全集

七言律選二十首

恭紀

聖德神功三征蕩平詩二十首

一

普天兵氣已全消三度親征萬里遙濟哲昔曾
稱大舜放勳今復見神堯難將雅頌揚鴻烈惟有

岡陵祝

聖朝中外臣民齊伏闕謙尊猶自慰芻蕘

二

玉輅初征統禁戎 王師六月賦車攻 甲光雪海銀
濤壯營壘冰天鐵壁雄 萬騎穿楊如破竹 千尋飛
燎捲枯蓬 當年 聖駕如親蒞 早已生俘在泮宮

三

熊羆乘勝已長驅 狡寇心猶戀 負隅獨跪西僧申
信誓仰憑古佛乞寬誅 虔留小印存臣節 敬捧封
箋稟廟謨 何意詭辭懷叵測 如魚不獻報恩珠

四

放歸舊塞許偷安 爲信前盟自不寒 豈料殘魂棲
僻壤 尙邀羣醜弄兵端 釜中魚躍求生促 井底蛙

鳴送志難我 后懷仁終未忍頻頒 溫諭沛恩

寬

五

聖恩浩蕩本如天 所願遐方共息肩 但使渠魁無反
側 豈煩勁旅出窮邊 連營旗捲山雲白 戰馬弓開
塞月圓 仗鉞誓師寧得已 早安漠北靖烽燿

六

詔傳虎旅誓長征 九五原非樂此行 漫道域中皆
赤子 應憐塞外亦蒼生

宸衷預定安邊策 臣下何能識 聖情祇告 皇天

兼廟社獨申天討出神京

七

黃琮蒼壁祀羣神北伐先將大義伸二月凝寒銷
輦路九天祥靄扈清塵帳中虎豹韜鈴秘闔外貌
貅甲仗新敵愾一朝承睿斷盡思圖畫上麒麟

八

組練歡騰遍九垓龍文萬騎絕羣才旌旗逐北山
光動戈戟征西地軸迴遂有和風甦白草不勞甘
雨應黃梅兩年兩度靈泉湧

帝遣天河送水來

九

蒼茫弱水界龍沙自古空傳博望槎御路及時

生翠草行宮終日見奇花山城畫角寒相應月

夜銅鐮靜不譁神武從軍多樂事可能挾纊更

思家

十

皇情本意屬懷柔不忍西蕃一戰收底事遺克猶負
固獨令邊圉尙紆籌關門漫舉中宵燧戍壘先防
萬里秋辛苦嚴寒勞法駕九重端默與神謀

十一

清言二集卷三
受降城外衆峰環飛輓何由入萬山常轉 天庾
供士飽肯將簞食費民艱纔聞後乘羸糧至已報
前軍奏凱還

聖筭不煩遺一鏃嵩呼聲徹玉門關

十二

翠羽雲蜺壓大荒 天兵三路嚴成行白旄左纛
中央出紫塞諸旗兩翼張窮寇聞風如唳鶴餘生
乞命似藩羊室廬子女今皆盡狡兔何能一窟藏

十三

麇狼西竄陣雲昏豈料 宸謀勝筭存烈火巢空

皆破膽膏原血染盡游魂霜鋒水刃千層入電掃
颯馳萬馬奔四十九旗齊頓顙塞垣誰不頌

皇恩

十四

乘輿握重震邊陲預遣犁庭鐵騎追 帳殿枕戈
聽曉箭星門 賜蟒散降旗

聖躬却輦先徒步 御膳隨營不再炊億萬軍心同
感奮歡聲早共羽書馳

十五

窮克生路久沉迷部曲扶傷盡解携器甲山高齊

野嶂羊牛川積委沙泥朱旗近閃祈連北紫蓋遙
翔瀚海西一聽我師先膽落天閑驟褭正長嘶

十六

仲春邊塞 翠華臨三著戎衣

聖慮深遺孽傳車先受縛元克仰藥自吞金輜駟電
轉充軍實饒吹星馳獻好音已服冥誅天意在
君心喜怒卽 天心

十七

霓旌五月凱歌回紫氣遙衝北極開羽衛不驚偵
騎入

天顏有喜捷書來承 恩屬國輸名馬款塞降王獻
壽杯何事一夫偏梗化終教身作劫殘灰

十八

遙傳禹乘北溟過豹尾蜺旌度九阿 天語指揮
安障塞

帝心容保盡山河雲中駐 輦樞星近寧夏畱 鑾
沃壤多共仰軍容霑雨澤至今勒石鬱嵯峨

十九

皇威已靖海西氛諸將齊銘碣石勲櫪上驂驪仍汗
血陣前魚鳥自盤雲書生競奏昇平頌野老爭傳

露布文千二百城讐盡雪一時同戴

聖神君

二十

狼居胥北獻羣俘王會車書擁上都玉燭向來調
禹服金甌從此樂堯衢橈槍掃盡麟遊圃河海澄
清馬負圖

垂拱更頌謙抑詔微臣何以答黃虞

張大

嘉定字日容所著
有清溪集

樂府選一首

宋中謠

虎如吏粘如童誰其捋虎牙如鋒豹救爾粘以皮蒙

五言古選一首

文點與也

冬夜寓齋寄詩社諸君子五首之一

待詔風流長相君名節峻養真竹塢中朱顏映雙鬢
不見柴桑人著詩年繫晉龍沉水萬丈鶴立岡千仞
神清一段冰挹之玉溫潤詩翰畫三絕技道竝精進
每展清溪圖鄉夢碧粼粼仍歸結社游豈以心亂擯

七言律選一首

慕廬先生奉 召呈四章之一

千載斯文仰退之起衰家法耳孫知齊梁格律鐘鏞
振謨誥光芒日月垂誰作籍郊為女和深知屈宋是
吾師論經復到蘭臺署大筆還開玉檢基

五言律選一首

擬凱歌之一

樹暎旌幢色花隨羽蓋飛當關鳴晚柝殘雪點征衣
扈蹕饒餘勇籌邊早決機幕南馳尺紙萬里震
皇威

王材任

黃岡字子重號擔人官
僉憲著有詩文全集

七言律選二首

過錢塘相公別業

故國樓藏宰相書孤山地接野人居隻鷄欲弔橋公
祖下馬還因董仲舒細雨綠楊迷舊苑野花黃蝶弄
荒墟十年再勸西州路我亦蕭蕭白暎梳

寄祝大兄五句

首夏清和樂事偏卯君款客敞華筵騷騷麥氣青郊
外陣陣梅風畫閣前不羨荀卿遊學日恰同高適善
詩年吾家舊有長生訣安用黃庭內景篇

七言絕句選三首

又祝大兄五句二首

賦就香奩唱和頻吟成花萼性情真山林從此須經
濟松菊于今得主人

家有藏書曾徧讀田多負郭會深耕試吟風雨聯床
句今日真成老弟兄

別洪昉思之一

神仙富貴兩蹉跎相對華顛奈老何十四年來五回
別人生離別不堪多

蔣廷錫

常熟字揚孫所著有
青桐秋風片雲諸集

五言古選一首

家園消夏之一

會意不在遠偶吟興自適松花綴黃玉香氣發蒸栗
落粉如飯煮不向道人乞靜觀草木趣閒得魚鳥逸
看月有隙地彈琴有壤室世事比獅子解弄得六出
來日苦尚多得失邨可必

七言律選二首

送陶子師任昌化

厓州圖畫便淒然况復窮荒在日邊道險不知山水

趣法寬猶用宋元錢

海外皆用古錢

月明黃木灣頭驛人語

紅蕉花畔船只有一端廉吏計木棉花發省裝綿

和子逸夜坐韻

蘋末風生白葛輕小庭景物又秋聲相看酒戶隨年
減賸有詩懷入夜清荷葉翻時珠露瀉豆花香處亂
蛩鳴桐軒莫謂無多地一片寬閒江海情

七言絕句選一首

讀漢書之一

秦坡宮闕鬱相望六國亡時秦也亡却賴項王三月
火漢家始得守咸陽

程正咸

孝感字十五號晴田別號亭一
道士陰生所著有隨柳舫詩集

樂府選三首

學士其相兄舉子作百壽篇之一

秋月交輝繁英其菊相彼寧馨允稱繼述宴我賓朋
飲我玳筵以介眉壽如松之年

子夜歌

朗月照橫塘蓮房結蓮子思歡不得歡抱被空中語
淚珠千千串欲穿無針線酒作莼花紅與歡日醜面

五言古選四首

報國寺松下待月

清言一集卷一
暮倚長松下松花盈我衣清風洒然至落霞漸細微
對酒不覺暝得月却忘歸乘醉歌松風歌罷星河稀
安得赤松子攜手謝春暉

秦游擬古

雙塔聳雲霄曲江繞其下遙想流飲時丰度自瀟洒
不見古來人空名刊在野造化真播弄天地總一假
何如老布衣箕踞傾老瓦

采石登太白樓

春霧濕朱拱飄渺何崔嵬
杏花杳然去青蓮不再來
醉後寫仙風落筆復裴回

飲陽坡山

行行三五里高下墜城垣
結屋陵陽隅俯視清谿奔
脩竹繞四圍幾家成一村
主人披衣出顧我顏色溫
淪茗傾素甕煮魚呼酒尊
青山日當戶流水時抱門
遂有煌霞姿而無塵市喧
恬朴性所娛酣適吾道存
所貴全其天斯世何足論

七言古選二首

箕城觀放瓔珞索

瓔珞索瓔珞索七寶莊嚴菩薩着此物何緣得斯名
只因散出天花落銀樹光徹斗牛宮金盤熠燿月中

魄春城無處不飛花
春夜花明紅臥閣
君不見傳柑
千古盛不如箕城
瓔珞索瓔珞
索瓔珞
索吾與汝曹
齊唱普天樂

月夜聽李郎平話

李郎李郎貌堂堂
手持醒目說楊郎
豎眉翻眼有神
光雄兵百萬
胷包藏英雄
少婦與君王
各各彷彿有
低昂觀者負
臂如堵牆
聽者傾耳無
短長
四座寢食
忘少長
心目狂
李郎李郎
旁若無人
不一語
袖籠轟
子出門去

五言律選五首

風阻燕子磯買騎赴潤州道經昭關

僻徑松巖秀
高樓返照閒
長江迴白浪
大地拱金山
雲霧開層疊
龍蛇自往還
孤巒不可上
下馬出昭關

孤山晚眺

短髮風塵裏
蕭條客自勞
愁來沽老酒
寒極想綈袍
返照垂山雨
浮雲接海濤
開窗供旅眼
唯有兩峯高
煙霞洞

徑遶西湖水
門垂象鼻高
野蜂含落蕊
石鼠上枯蒿
不盡煙霞麗
都忘步履勞
山禽殊可愛
能自惜奇毛

月夜道山望碧浪湖

清言二集卷三
三
樹杪飛泉急空山六月寒竹光水氣淨花影露珠團
岸得流雲秀湖因着月寬樵歌兩岸響策杖步前灘
得家報

把酒傷搖落開緘解客顏溪前仍白水屋後舊青山
米價隨時長柴門逐日關諸兒好紙筆偷得老夫閒
七言律選三首

趵突泉和韻時道士出舊紙索書

來鶴橋邊鶴有無蓬萊天地在方壺雪濤噴怒龍常
鬪石窟掀翻魚不枯到處青山供几席可憐白髮老
江湖籠鷺道士來相索書罷樓懸一月孤

水明閣看桂

持螯且酌杯中酒看桂還臨月下樓臺榭渾然四面
水乾坤只合一虛舟提壺賓客翻青眼捉筆老翁吟
白頭沉醉祗園秋色裏莫嫌憔悴減風流

箕子臺

四圍池水灌莓苔乘興扶筇撥老梅有客讀碑思叩
馬無人弔古不登臺層冰凍結枯魚泣密霧寒凝野
鬼哀極日荒城俱瓦礫朔風突起白沙來

七言絕句選四首

燕臺別簡可姪

我公爲農爾待時驅歌一曲淚交垂從今應合山公
啟珍重言臣叔不癡

西湖竹枝詞之二

隔岸人家喚采蓮扁舟盪入斷橋邊
濤聲直與歌聲轉竟日忘歸湖上眠

萬山湧碧罨湖亭兩岸流鶯繞徑行
夜半輕風消積暑滿隄疎柳挂殘星

宛丘雪夜携諸妓圍爐

滿妝身子漢妝頭淺畫蛾眉月一鉤
笑弄三絃對六板燈前醉舞逞風流

金德嘉 廣濟字會公號蔚齋壬戌會元官翰林所著甚富已刻有勳噫集咏物詩往事錄諸種

七言古選三首 附九言古一首

寄祝王瞽樽主政五十

王郎遺我一卮匱侑以寒碧堂中詞行間楷法蘭亭
序苦憶握手長安時長安底事不勝數別來恂怳形
如癡耦畊沮溺垂十載漢陰丈人稱吾師次山二子
差解事長鏡短鍾尋江籬老夫不知老將至五月五
日酣庭垂側聞王郎作五十五孟夏賓讌臨江湄有子
翩翩俱鸞鷺有冠嬾去施鷄鷄嚴君總憲赤捧府慈
母繡佛青精炊易安居士侍巾櫛上壽頃刻千言詩

人生過日有若此門闌只尺擬蓬池日下貴遊足裘
馬紛紛擾擾勞鬚眉五斗先生獨丘壑擁書萬卷宵
雙藜鼓柁我能來信宿竹瓦樓上薰風吹筆床茶竈
遲少暇挑燈灑翰隄相思

題瞿搏所遺古冊

鄂縣鐘磬寒溪寺聲聲九曲寒雲亭仙公洞裏風瑟
瑟漫叟罇邊泉泠泠東坡居士題名去磨礪鏤刻人
無停山骨歷年亦消觸莓苔浸長蝸涎陁王郎塌取
裝潢都一冊東三百里來吾庭平頭屐齒黃泥阪過
江沾濕樊山筵踈踏將命逡巡退茗飲糲飯瀕街廳
我獨鉤簾摩抄過丙夜中天睽睽長庚星月滿屋梁
見顏色恍忽王郎捫牕櫺安得薜蘿良讌會脫帽露
頂空江舫有酒應共六逸醉有懷莫數三閭醒我手
君冊三歎息我歌一曲君其聆金石文字漫漶且如
此何況區區七尺巾衫形把臂何如直到湧月古臺
上極目夏口漢口萬古煙波汀

寄酬瞿搏雅贖

霜凜打霧凇貧兒辦飯瓮埜老用此兆年豐昨宵入
我草堂夢詰朝輞川使者來芒屨踏破荒陂凍殷勤
致我尺素書手把一瓮階頭送異哉麥田定有秋今

年不復書屢空移時又出琉璃瓶令我插花儀威鳳
離離十酸琥珀光令我酒酣賓筵弄家徒四壁長物
無庭實安得如此衆白首相存有故人人生何必萬
戶封毘甦茗芋瓶花邊狂喜似入華陽洞

酬薺樽遺我犀觥徑醉作歌用九言體

臨臯故人贈我卯飲卮正當比舍田父泥飲時四座
傳看詫此何代物母乃步兵校尉之所遺巧匠嵌空
鏤刻形模古隱若蒼龍出水撐之而從此一斗一石
入吾手公然醕酌毘甦高陽池有時脫帽露頂赤雙
腳仰天大叫劉伶真可見客乎不勞辟席或膝席眼

底都無武安與魏其酒後耳熱彈箏仍叩缶種豆南
山何妨落爲萁前夜剪燭頻呼金鑿落蒼頭走貫鄰
家幾鷓足紀叟去釀夜臺不可作折券武負之遇良
難期所恃插架有書索高價諺云借者一甌還一甌
魯宮汲縣文字俱蝌蚪後生往往雒誦而瞠眙我自
鷓鷯典去渾亡賴杖頭羞澀出門安所持晨夕醒狂
老子妹寂寂鼓柁逝將西嚮江水滑故人此日拋青
春當熟不然舖其糟而歡其醕三萬六千日已過大
半柰何男兒有口徒舖糜况復赤鼻樽中邀明月巨
口細鱗舉網而得之不淺主人騰觚飛爵興碧雲深

處嫋嫋洞簫吹十年契濶一朝乃有此人生樂爾須
富貴何爲夜告江神吾行解纜矣詰朝藉手東南風相隨
七言律選二首

寄懷薺樽之二

黃中閣裏寄雙魚東到滄洲蘿薜居別後鬚眉俱好
在筭來歲月莽消除養生豈得龐公藥入世空抽汲
豕書稍喜桐華知節序莫春爛熳雨風餘
挂席東征三百里臨臯使者雨中來飯牛歌闕宵無
寐羅雀門深午始開大小龍團驚滿篋縱橫兔穎喜
成堆炎塗折柬知君少偏向寒江訪釣臺

繆

沅

泰州字湘芷所著有
蘭渚浮山西溪諸集

七言古選一首

采桑詞

頭眠蠶起碎切桑二眠食葉聲滿房三眠將老食轉
急青裙犯曉提筠筐桑梯高高桑鈎短女桑葉盡樓
桑滿蠶絲百箔樹頭鳴催買桃漿賽蠶館

五言律選一首

楊子江

晚雲鋪亂絮孤月墮寒烟歸鳥棲江樹吳簫亂估船
銅駝移落日鐵騎沼吳年隔代興亡事臨風一慨然

七言律選一首

舟行雜詩用商丘公韋菴閒興韻

寒鐸聲沈鼓罷撾
柁樓枕手靜無譁
峭帆乍落烟粘浪
纖雪纔消水唾花
嶺外白雲天一握
溪邊黃葉路三叉
吳江楓冷多時了
指點寒山寺影斜

七言絕句選一首

丘南是汪堯峯先生著書處

山光墮影尚嶙峋
遺築丘南野水濱
草沒垣衣何限

感乞花塲上弔詩人

先生自題所居曰乞花塲

程大呂

孝感字文載號天台進士舉博學如詞未試所著有天台子詩文集

樂府選一首

丁都護

鳳皇翩翩來雲端
簫聲宛轉引羽翰
皇家作壻李將軍
凌煙畫影人所難
荆山鬻篲吹雲騎
襄水征魂泣鏤鞍
黃蒿不掩戰場月
盛夏能令心膽寒
可憐綠窻人倚闌
愁日暮錦幕湘簾孤
燕飛吞聲只喚丁
都護
丁都護聲太苦
旁人聞之淚如雨

五言古選四首

雜詩

清言二集卷一
池平曠澄泓鳧鴨沒蘋藻青天落照深白日動纖縞
西圃宜菜瓜東畝恣秔稻嫩綠田中苗微紅桑上棗
城圓隱半規柳影自揮掃俯仰懷古今誰可共幽討
推移傷本性脩能悔不早不知前後人所歷疇美好

雨晴

用杜韻

春雨長衆綠圍稼闢新境迴塘曳芳條棲禽弄晴影
市遠柴門豁氣清琴書冷元化含萬象于中自可省

登岳廟萬壽閣

高樓與雲齊山腰障樓口嵐色靄晴冥雲英歛前後
仰見嶽蓮孤羣峰盡趨走伏金一氣收凌霄萬籟吼

沉沉動鼓鐘豁然絕紛糾三秦盡平原一覽了衆有

春雪

春雪昏旦飛到地不見雪點作老鉢花影寫空堂月
東風不吹萬翔氣相凝結茅屋如冰壺池草成文纈
柳眼未舒青梅骨益傲拙寒氊坐不溫舊釀飲已沒
近憐負薪叟遠嘆荷戈卒烏雀亂啁啾未敢獨怡悅

七言古選一首

過小孤同陳行一作

卓然江心特奇怪小姑何在吾下拜嵯岈雙峯矗青
天下挿龍宮起澎湃白石爛爛吹欲落亭閣凌虛皆

倒掛石尖徑仄行人愁魚鷹鷓鴣分境界捫蘿可以
坐青松風緊濤橫興已敗陳生昔日兩登臨向我言
之意稱快憶我五歲從南還江湖烽燧舟航戒經過
恍惚似夢中幾番想像如看畫江草江花二十年河
山是否人痼瘵只待歸航更共遊莫使山靈笑迂隘
五言律選六首

武昌雨夜有懷張鶴湄兼寄訖何夏九兩年兄
城柝偏相聒晨雞不肯鳴孤燈風幔影踈雨竹樓聲
憶別傷京洛多憂戀友生蘭亭何夏九在昔頗同情

過太行

曉發懷州郭西郊望太行平分天一半直劃地中央
雲氣通三晉春容逼大梁喜諧登眺意客路郊蒼茫

匣石雨後曉行

山店雨鳴秋山雲曉未收早涼蘇熱客衆綠轉平疇
蛩響連巖壑雞鳴出驛樓西成今可卜歸路總無愁

什鏡曉發

兩巖雞犬沸攬轡出危亭半壁初生月連珠幾點星
雲融天宇白燈焰酒帘青怪鳥啼深樹淒清不可聽

李梅崖門友署中之一

健筆凌顏謝清新是我師轉憐千載後竟少一人知

太史雄文墨書生厭鼓輦不材宜放棄君好佐昌期
客途雜詩

煙靄青螺谷人稀萬木齊夾山纔見日亂水不成谿
蘇踏懸蛇蛻石圓滑馬蹄入關家已近烏鵲自頻啼
七言律選五首

詠古

驪峯清渭擁秦州滅國焚書可自由宮闕旋從一炬
了河山禁得幾人謀千秋戰壘埋金鏃五月城花暎
石榴可笑蓬萊仍未到翠華寂寞在沙丘

咸陽

沉香亭榭已銷燹破塚殘碑斷壟前天子有情拚出

走美人無計得生還淒涼環珮春風冷零落山河夜
月圓命比漢宮飛燕薄可能無怨李青蓮

馬嵬坡

送夏處士尚寐之廣德

徵君松菊久荒蕪纔自燕魑卽入吳兩月故園閒似
客廿年說劍耻爲儒眼看風景畱詩史身與江山伴
畫圖去向志和臺畔望一天霜雁集寒蘆

種菀

雨後栽菀一百枚春風生意到亭臺卽供口腹能垂
實兼傲冰霜可接梅傍水故教依碧柳飛紅容易點
蒼苔眼前城市憂戎馬虛擬看花載酒來

山居
不是花源路亦迷鷓鴣且得借枝棲翠屏夾路青山
口玉練當門紫燕溪晁幸身閒容汲古每因兒課亦
拈題松林猿鶴來相傍一覺羲黃日已西
七言絕句選二首

旅館讀史

旅館孤燈五夜親借來漢史過閒身人奴亦有封侯
骨太息當年射虎人
賦就新聲歌吹繁
何人在景陽智誰爲更唱臨春
樂學士而今盡負息

郭元鈞 揚州字干宮所著有一鶴
菴寶跗堂拙適軒等詩
五言古選三首

漁邨

綠楊藪澤中茅屋亂叢簇楊柳成門閭芙蓉作家國
縱橫村巷小宛轉溪橋曲江湖汗漫波得此恬心目
鴉船

越舫如流萍腥風亂雙槳一片水墨雲點染青沆漭
翻飛似鼓舞汨沒爭雄長慚君牙後物屢却鮫人享
校衫 漁服也

看君碧莎裳鎮覺犢鼻煩沒蹠而過膝泥橈何足論

赤芾方縈紆在股空朱殷悲乎足下塵滄浪何處津
五言律選一首

九日

閒居愛重九孤抱喜風陰小步野花亂讀書秋院深
晚天寒有意霜木瘦無心交際平生失尊前思不任
七言律選一首

寄荅邵子湘

夫容湖上邵髯翁名位立真桑苧中京雒聲華懷漫
刺江湖思緒趁歸鴻春田一頃豆花雨晴屋三間梅
子風老却謝敷星下客鶴書何日兩輪紅

任

鵬江陵字培風所
著有觀水堂詩

五言古選一首

曉發

江鄉漲且深莫識磯頭路漁子持竿來樞衣涉古渡
晨光正溶溶隔岸谿聲度蘋葉逐浪低影落遊魚吐
野鳥狎莎洲酤船繫溪樹中流欵乃聲裂破山城霧
漁歌何悠長令我發深悟與子共烟霞返棹未云暮
無那涉長途紛紜亂情悵回首憶清溪長愧鷗與鷺

五言律選三首

月夜書懷

清言二集卷一
月色如湖水幽光冷竹床懷人雙淚濕作客五更長
燭影搖空壁砧聲碎曉霜不須怨飄泊今夕是他鄉
辰谿行營夜聞子規感賦

在昔初聞處華陽月正西回思十載過又聽五更啼
夜色旄頭白風寒鼓角低言歸皆未得何用語蹉蹊
師次辰陽道中作

春漲初添後谿流濺杜蘅盤山憐馬力占雨辨禽聲
萬里伏波地三軍挾纊情桃源去漸遠回首暮烟平

七言律選七首

蜀宮感事

錦城春色草芊芊夜月淒涼老杜鵬風雨綠楊皆輦
道蒿萊白骨盡金鈿落花似寫當年淚隴麥空傳故
國篇莫謂古今無舊恨咸陽猶有未消烟

題画

寥落疎林帶晚村江天一色凍雲屯松烟半露孤峯
外野鶴初歸處士門石壁泉飛山乍裂板橋人過雪
留痕衝寒偏有扁舟客猶向谿南訪隱淪

將歸湖居留別友人

連旬風雨易朝昏客舍無聊晝掩門春到柳條皆是
憾愁逢花事倍銷魂鄉思已逐芳洲路別緒難消竹

藥尊此後清吟殊不淺秋來重與一相論
對酒有懷陸素菴
霜落梁園花事微呼尊聊自鬪寒威忽看沙雁驚聲
起知是漁舟盪漿歸大水屢書農作廢華門經月故
人違溪南酒伴如相命一趁楓林眺晚暉

春日

庭花零落點征衣又見穿簾燕子歸岐路人情難似
舊殊方節物未全非十年烽火魂初定萬里萍踪鳥
倦飛遙憶故園風日好綠楊影裡醉斜暉
和陸放翁梅花詩

臣心如水氣如蘭肯向樽前訴曉寒冷豔合教憑月
澣幽魂原不怨春殘已拋高士山中老聊供詩人雪
後看剥盡鉛華歸太古癡肥未許共凭闌
信有幽人解卜歡年年攜杖踏江干夢魂與爾甘蕭
索郊島憑他說瘦寒驛使寄來情自遠灞橋歸去興
偏闌清癯本是吾儕事不待垂黃始覺酸
五言絕句選一首

漢川卽事

山帶溪光濕江連旅思長酒船門外泊此夜不荒涼
七言絕句選三首

十紀夢

春到衡門雪未消孤齋生事已無聊那堪更作章臺
夢一夜東風岩柳條

湖上月

漁聲晚唱碧烟收遠浦清光一望悠波漾不驚鷗鷺
睡幾帆涼影送輕舟

晚泊紅湖卽事

纔畫雙蛾二八時多因先自解相思孤舟正是悲秋
者莫倚輕橈唱竹枝

劉獻靖

江陵守公從號觀山所著有湄邨州

五言古選一首

御河風便

千里御河水曾無數里直百折似臣心滌洄繞上國
汰泥質本貞派遠勢奔逼激之冽且清足供往來食
榜子苦迢遙擊揚費組織豈不欲速涉紆迴皆地德
應龍運泥蟠茲意人不識連朝有好風省盡舟師力
懸帆不費牽村落過頃刻昨日渤海郡今日齊魯域
秦岱隱躍間一望蒼蔚色土膏民亦淳原野重稼穡
頓與前宵殊警戒可暫息我來夜將闌燈火高樓側

呼僮款華門貰酒豁胃臆

七言古選二首

淮安行

君不見淮安城西清江浦人煙如雲集千艚半是河
工任事人紛紛按籍不能數又不見淮安城東水拍
天十里百里無桑田斷隄參差集鴈鷺高郵石伯更
可憐詎是瀕洞相促迫依舊東南地足圻不道人事
勝天工挽回端屬君相責欲纘禹功在得人莫教物
力付波臣君不見歲費帑金一百萬不救淮安一郡
貧

界首卽事

淮陽路風雨朝冥連日暮岸上青帘盡酒家筍蒲蝦
鱓畱人住門前白浪高於筵夏湖甃社勢拍天欹隄
駕屋聚人煙人家夜半枕濤眠過客動色不敢前居
人春杵各安然

五言律選六首

西郊

出郭漾輕舟泉聲脈脈流酒香邛落熟橘暗晚山秋
雨脚懸城畔雲根上石頭客行空翠裏泛泛似沙鷗
蔣玉淵宗伊在李方山吳圖南小集分韻

清言二集卷
風雨開三徑竹窻引韻淡客驚連歲濶興到十分沉
所愧無兼味相期有素心况多新句好字字抵南金

錫山晚泛

錫山含晚霽嵐氣入窻清煙寺低環麓風檣直到城
遊人迴畫舫春色度香蘅何處堪尋醉佳泉此有名
溪迴洲嶼澗疎快各成村處處橋通市家家水到門
櫓搖芳渚月潮濺石苔痕隔浦聞吹笛獨愴旅客魂

宿龍泉寺贈主僧隱山

雨霽石膚細月新嶂影高逢僧機欲息顧我首猶搔
客宿山腰寺松翻枕上濤浪遊慵已極于此豁塵勞

聊城懷古

一紙書相遺燕師解甲辰習風仍戰國樹義儼先民
所志惟排難何人不帝秦至今思歿將餘烈動秋旻

七言律選十首

聞柳樗存病起喜而有寄

高齋分手少緘書次第逢人問起居籠裏參苓時檢
點病中筆墨未生疎性情近處真方至辛苦經來味
自如新釀爲君儲已久好遲風雨夜窻虛

過馬嶺

僕夫况瘁馬虺隤一日山椒愁幾回絕頂煙霾疑虎

豹沉潭隱躍見風雷客行栖鳥松頭路梅在隔溪嶺
上開記得去年登廣武諸峯未似此崔嵬

西齋偶成

頻年踪跡任浮沉作客西堂竹徑深羣季到來都俊
秀層軒點綴似山林墮花已殢三春興風雨還縈午
夜心畢竟浪遊機未息昨宵夢眺最高岑

新鶯

谷口遷來正及時綠陰淡處美參差徧褰翦就黃金
縷委宛歌成白苧詞百轉可能清俗耳三春翻恐動
歸思江邨閒日愁無事斗酒相從未肯遲

旅夜懷李方山

芙蓉湖上栖遲客千里相思自可呼拓眼江山思氣
槩篝燈風雨憶清癯近來好句知多少昔日沉疴尚
有無我已趣裝歸計日弟兄攜手話菰蘆

臨清白家園亭

柳隄繫艇鳥關關信步名園分不慳咫尺城中藏洞
壑須臾眼底起雲山移情藥竈茶鐺裡得句叢篁亂
石間南國欲歸歸未得忘機真讓主人賢

登聊城光岳樓

光岳樓高接太虛憑欄指點瞰青徐平臨北斗知天

清詩二集卷
近細引南薰入夏初海氣蒼茫通戶牖嶽雲咫尺上
衣裾仲連祠畔殘碑在高義猶傳一矢書

金山

天上涼颺面面生纖埃何處到蓬瀛鳥啼芳樹低頭
見客坐冰壺澈體明瓜步檣開翻堦影海門潮漲鼓
江聲向平舊有名山約猶愧星星髮幾莖

煙雨樓

嘉禾城外晚停舟拾級憑高放遠眸隔浦帆檣連月
動沿江燈火襍星浮吳山欲暝人吹篴楚客思歸獨
上樓把酒臨風舒短嘯恐驚煙雨易生愁

石鐘山

江上雙峯鎖暮煙石鐘遺韻自何年低空鼓盪聲增
越奇鬼攫拏勢欲前彭蠡湖光疑坼地匡廬山色直
依天客來正值新秋夜共醉潯陽賣酒船

五言絕句選二首

江上襍詠

泊舟石瀨淡風激泉聲滑漁艇不知寒夜淡弄殘月
近山初出雲遠山正含雪未識孤舟人江干初作別
七言絕句選三首

維揚舟中睡起

廿四橋頭上畫船維揚客醉只酣眠江湖夢醒知何處推起蓬窗浪拍天

夜半

吳人夜半唱吳歌楚客舟中展轉多自啓蓬窗看星斗人家曲檻在蒼波

江上禱興

江上千山與萬山青螺都似女兒鬟十千買酒呼他醉收入奚囊尺幅間

孫芝瑞

江夏字聖草號菴菴明經廣文所著有聖草園詩

七言古選一首

輓趙烈婦鄧氏

鄧氏秉性本專壹于歸趙氏年十七二氏皆屬農家子自結褵時許從一未幾夫遭二豎侵慘淡周旋經百日心力竭兮分所宜藁砧上天羞獨活肝腸寸裂血淚迸捨地呼天含殮畢姑前宛轉再拜言婦就空房稍偃息須臾檢點嫁時衣結束周身何整飭幽宮猶可續前盟從容視死無難色靖州刺史重節烈給轄合墓表其域我聞此事深太息把筆無權書未得

海詩二集卷一
慨彼鬚眉偉丈夫，矢口忠良心叵測。如何綱常在中
愾，直使正氣天地塞。君不見墓門松柏覆蘭芷，此土
猶香身未死。又不見依違翻手負心人，偷取生榮何
足齒。豈知忠孝節義乃四維，四維不張虛器耳。何人
不處衣冠中，衣冠豈在紆青紫。能將拳石砥狂瀾，頑
懦聞之爲立起。大義不歸朝市間，卻向山中尋女子。
據實難辭風教官，他日特書俟良史。

五言律選二首

再遊北固山得晤樵水上人坐山帶閣眺水末

樓

未有尋幽興，名山亦枉過。細攀巖徑曲，移坐古藤窩。
險奧含風韻，平臨足嘯歌。從來清絕處，輸卻老僧多。
和吳焯菴守戎春日携樽登攬勝亭

春暖旌旗動，將軍寄興幽。孤亭萬井出，攬勝一囊收。
樹遠餘紅綴，江平匹練浮。煙嵐橫郭外，飛翠到城頭。
七言律選四首

春霽偕友晚步黃花隄小集得花字

陣陣東風宿柳芽，金莖占盡岸頭花。鵝兒出浴敷新
粉，蠶蛹吹絲映晚霞。摘去不勝簪短髻，尋來偏許襯
香車。和君好展長茵坐，惱我顛狂問酒家。

同學潘再丘自鄂渚泛舟赤壁過訪即席拈韻
依和

憶昔江樓坐夜分同聲兄弟竟無聞誰從漢水操孤
艇來向臨臯醉夕曛潦倒千秋間筆墨消磨頃刻冷
燁雲福躑最愛凌霄鶴獨唳橫空似對君

焯菴署中雅集送春次馬卿韻

同馬馬卿王晉博胡平玉陳南

有程雲奏高景士吳枚及

天涯何幸襲餘芳况復相逢是異鄉恰喜送春成韻
事翻愁刻燭索枯腸共將今日琴樽興博取當場翰
墨香顧我支離慚雅調應推公等富奚囊坐古苑

集程雲奏署齋分韻

追陪風雅賓筵日正是黃鸝百轉時高會卻愁輸酒
力深情偏喜沁詩脾看花召客經三度
謂焯菴平玉與雲奏也
檢韻分子得四支明日琳瑯應擲滿挑燈搜索未嫌
遲

五言絕句選三首

二月送黃于南歸黃山

故園花事好江水日生時寂寞東風裏天涯聽子規

泊荻港

兩岸開春市一橋橫水隈舟停知宿處月上見潮來

題畫

秋老無人到危橋束澗流樹餘黃葉在山占一亭幽

七言絕句選二首

舟中雨霽

江水纔平雨暫收青峰猶帶濕雲流春光漸覺迷人眼
收罷新詩賦遠遊

立夏後一日偶過胡平玉署齋留飲罌粟花下

和馬卿之一

主人愛客數能來共說春歸喚不回
但有好花吟好句等閒莫放手中杯

清詩二集分編卷

武進馬道耕馬卿選

江陵胡在恪念蒿

定

公安陳文燦含輝

技

栢鄉魏勳蒼霞

錢唐馬銓遵素

陳

造

莆田字元端所著有靈谷遺稿

七言古選一首

酬竭祝萬開府贈劍

知公愛我淡贈我豐城寶感公忠義心長繫鐵衣襖
三十四事天子荷戈枕戟雲林裏知君贈劍具深
心事成不成同生歿昨夜三更明月沉龍泉直向樽

前吼我起浩歌瀝以酒與君共誓滅羣醜

五言律選三首

九日陪竭開府劉都督登撫州城樓得秋字

靈谷楓林落西風
九日秋黃花迷老眼
白髮笑奇猷
夢斷鄉關路心懷宇宙憂
光陰多少在送遠一登樓

秋夜懷林小湄同學

天地晝多晦三山秋正深
劍酬壯士志詩慰故人心
戍鼓鳴邊月戎衣起暮砧
江雲與渭樹回首淚難禁

贈都督劉方伯先生

南北天無語將軍國有臣
本朝詩禮重異代姓名真

離亂多黃日艱難有白蘋
平生忠烈骨戰伐久忘身

七言律選二首

登撫州城樓作

憑高四遠動悲歌
掣肘其如天地何
國破夢中談劍術
家殘愁裡看詩魔
塵氛映月孤城暗
鬼火旋風衰草多
日極長安千萬里
空嗟時事久蹉跎

聞笳

雲橫塞管弄金谿
萬里孤臣血淚齋
華蓋山高千嶂霧
連樊水遠半天霓
誰能慷慨追梅福
自許風流脫李齊
回首乾坤愁日暮
燕城風雨日凄凄

五言絕句選一首

水墨山茶

枝葉未為老花開似夜時
輕風吹不見明月暗相知
七言絕句選一首

軍中看月

靈谷山頭誰築壇一天明月到長安
枕戈莫賦青霜重豈特孤臣今夜看

龍為紀

夔陵字在義所著有
蝨空詩稿

五言律選三首

登大源洞高樓同范一先

石洞雲邊啟羣山列嶂齊
當窻橫古剄震谷叫荒雞
柳色黃吹嫩林光翠引低
君人頻指點隔嶺峽之西
黯淡斜陽入稀微遠燒來
人情聯雅俗客况託低回
簷敞風侵座崖高乳滴苔
堊樵歸欲盡洞口暮烟堆

初晴

溪山昨夜雨涼氣襲絺衣
新旭蒸林濕羈雲望壑歸
藤垂猿學挂花靜蝶忘機
有客勤相訪呼童莫掩扉

七言律選二首

天涯交道日成非
寧向荒村病掩扉
黃鳥歌殘秋露冷
白蘋風起暮砧飛
香催平楚禾登早
味憶寒江鱸斫肥
昨日客傳鄉國信
故人懸釀待予歸

留別陳鹿野先生

幾載相從記室遊
風塵黯淡遠鄉丘
歸來客缺羞青眼
老去儒冠笑白頭
魯酒一傾離別淚
陽關三疊古今愁
浮名置却尋樵息
風月雙迎范蠡舟

詹大衢 黃岡字麗朋號陟園著有易疏晦太極圖
濬源西銘節解近思錄合編圖傳說還象傳
孝經淪注小學應蒙廿一史綜約南
遊隨筆環溪草堂詩古文全集行世

樂府選二首

湘妃怨

白蘋徧芳渚
煙波湧飛雪
湘君湘夫人
日落遞明滅
瀟湘一水寬
杳藹九嶷突
望去雲沉沉
流來水汨汨
風生班竹林
悽絕蒼梧窟
玉佩結蛾眉
千載洞庭月

婕妤怨

入宮承寵時
秋風共團扇
如何長信宮
獨來霜滿院
羅幃枕未寒
湘筠簟已變
新愁與舊恩
移情只轉盼

莫羨朝陽日影多
蘭蓀幾換趙飛鷺

五言古選七首

輓王子雲先生之二

蝴蝶夢中飛萬化
忽已變誰人類楚狂
從衆顛不倦東陵何必貴
青門何必賤咄哉種瓜者
毅然確有見曉事邁揚雄
長楊羞自銜匡廬歸去來
十年寶一硯昔者侍先子
進退凜隕越側聞揮塵談
謔浪見奇突髣髴遇莊周
發先所未發芳蘭與直木
哀焚且忌伐安得如郭隗
千金買駿骨卓矣柴桑士
採菊終歲月壽魏漁臺先生八表

太虛涵全氣肫然任所之
得者罕將迎自與其人期
天意若有屬人事偶在茲
疇令心與事一往無復疑
游目上千載高風深我思

謁亞聖廟得瞻亞聖跪母石像

入鄒方北望巖巖慰仰止
停驂傍官牆古栢蒼然起
綠蔭拂微風塵埃自遠徙
豐碑層累出參差斷碣倚
登堂瞻禮時未敢亂視指
仁義重梁齊衮冕祀故里
閑道距楊墨美哉禹功比
左右誰獨立善信無雙士
七篇問答中兩廡名俱紀
教以三遷彰位崇四聖裏
不見跪母像百代猶人子
洙泗地非遙私淑尙未已

長安旅懷寄家兄劬廬先生

曾聞洛陽紙價重長安市自入長安來所聞亦相似
漫說黃金臺高賢盡朱紫眼空冀北羣鹽車猶若此
遭逢或有人誰曰自隗始

蕭蕭嗟歲寒亭亭賴松栢邸舍主人多薄遊厭作客
手澤携遺書作述遑自畫譬如麓蓼農豈無一朝獲
愚拙非世資知命誠安宅寶素答蒼旻無損卽是益

長至前三日邵子湘王小坡招集卽送邵樾公

還越是日海內同人詩體不一皆卽席脫稿

羈棲常鍵戶步屨避野馬類聚敞四筵嘉賓合天下

豫指來復期蔚然振風雅縞紵未忘舊傾蓋多賢者
或賦就三都盈耳相傳寫或懷高五柳攢眉赴白社
豈乏前席才弱冠邁終賈姓字播人間風神自瀟灑
清言雜管絃瓊盃共玉斝竹林名過七二阮儔匹也
子湘樾公會躡南北峰林麓插蘭若松篁任直曲鳥
為大小阮鼠竄古瓦泊權最幽處如庇萬間屢拂楮入畫圖倪
迂筆不假歌驪復歌騷誰謂屬和寡

七言古選五首

和蔣馭鹿過訪春日同遊西山短歌

草堂迎水水迎日郭外春郊越阡陌未通姓字尋吾

廬漫詔敦仁是安宅瀟灑奚囊無多書寒温恬淡容
與與籬邊竹柳看不厭笑指九曲遙揮袂劍化爲龍
時難舉龍去懸石石不語作賦何必孫武時舍我其
誰誰似汝亭存豈復當年亭人往風微烟嵐青休言
陵谷多遷變電光石火更無停不見清新舊開府別
館離宮尙可數一過再過嘆爲墟陶然憑弔空今古
醍醐易醉難比君斗酒高歌都絕羣歌從竹馬索年
少至今按劍猶凌雲乾坤過眼只些子水逝如斯山
自歸山水若逢乘軒遊不聞疾苦聞民謳倘因民謳
知疾苦寧獨耕歛娛春秋

孤竹故里

燕薊之東北平後頽垣廢址侵星斗橫岑黛掃千巖
蒼老栢鱗盤萬壑壽千巖萬壑總蒿萊故里傳自賢
人開西山歌罷薇蕨盡至今猶有清風臺臺上清風
引飛瀑兩岸碧流遶石屋飲水漫憶濯纓歌清出滄
浪比孤竹詞賦碑銘古跡陳阿誰覩跡思古人但能
稍存古人意何必身居北海濱

和陶弘長午日雨後草堂小酌步曲水亭觀童

子拉舟放釣

相看紫笋發清乳隔歲屋成今致雨天中地臘人爲

歡一曲山香姑射舞唯君志趣高雲霄惠我多方日
稽古草堂徙倚攜詞奇咏成亭畔適當午微波無競
扁舟橫雪牕臨流映網戶網密何如竿綸寬坐待新
月玉鉤吐

同人偶有溪山之遊限以東坡風泉兩部樂松
竹三益友三語成詩

謫仙後推坡仙詩隻字片紙經人思名區勝槩供揮
灑隨筆所至題無遺赤壁兩賦亭九曲一水南北溪
山移到耳風泉樂兩部過眼松竹成三奇我亦環溪
學種竹水波清淺聊開池池畱中央草堂建此君羅

列楊枝垂非不愛松只愛竹物土槐棘風篁宜池可
代泉竹可友悠然天籟凌雲吹

洞庭七夕

洞庭七月秋颺起波濤疊湧望瀾瀾解慍不厭薰風
多一葉扁舟爲誰艤倒流銀漢遲寶筏俄因順逆分
秦越機絲織女拋金梭競渡牽牛負明月清光朗朗
臨清渠孤舟倚岸攤殘書休言橫筵飛仙子漸學釣
取長竿魚橫筵聲幽釣術巧倦自高眠饑易飽玉杵
徬徨無時休玉龍騰躍露鱗爪酒造明星結萬字犢
鼻禪標曝亦異未能免俗聊復爾張帷羈縷皆若寄

湖干森森停山阿遥遥雲路星橋過爭似七襄炫五色
仙車偶駐雲霞羅極目天潢連水國但見水天渾
一色月華露洗烟浮空何俟九微燈照識

五言律選六首

和林果存遊西山

峰峻江天迴疲予獨怯行微風旋弱燕暗木嘒流鶯
殿閣分高下山溪辨濁清尋僧漫載酒茗椀各無爭
席地忘新故參差坐不齊逆知方得酒應許各拈題
春色恣登覽詩情任取携不妨來往數卽事慰攀躋

寓彭澤觀音巖望小孤山

愛此江山勝非因陶令招青垂彭澤柳白上小孤潮
巢鳥隨僧定巖花作雨飄誰知從事者於此得逍遙
窰變觀世音

爐火經誰煉天工出自然側身憂世切曲腕注神全
有色非添色無禪若入禪梅檀摩頂後應與共忘年
長至日聽殿臣六弟讀書禪室

一線初添日三餘適旅居無心翻舊史有弟讀新書
鐘磬聲同徹楞伽誦自如六時千里隔楚越總蘧廬
同金會公集朱悔人寓小飲

卜鄰畿甸東旅况幾人同剝啄聆詩話開樽待醉翁

天寒風有色地僻火能紅雪案篝燈近掀翻樂在中
七言律選五首

中秋日步自江干尋得窠樽古跡同遊者則陶
魯齋索蒼葭王喬巖暨姪士廉子士齊及內
外兩孫也

窠樽兩字舊時聞剝蝕纔看片石分露爪藏鋒同虎
眈戢翎取勢入鵝羣非從灰燼繙秦篆亦豈編摩辯
漢文髣髴當年童冠意不徒濟勝薄秋雲

春雪

寒光片片透牕紗靜掩園門春自賒月出但疑霜在

地風來時覺樹飛花行當掃徑還添色渴不敲冰就
煮茶陽氣初回凍易解湘簾未捲玉鉤斜

輓魏雲菴先生

悲秋無力數飛鴻念到漁臺夢幾通翻案自今虛定
論懸車誰與坐春風祇從先世尋冥約徒使吾儕恨
道窮隔岸短舸寒夜月滔滔湖水歎流東

和王雪洲西山遇雨是日余未赴約

懷蕪寧盡在登山放眼空明一切刪不有驚雷來客
座那知聽雨靜柴關勝遊每值天工妬嬾癖因於世
路閒看劍無當孫子意誰從牖戶念民艱

花朝後二日同高恕菴步至西山寺茗談竟日
老友相看久杖鄉偶然步屨到山房三泉新汲還烹
雪萬木春生欲斷霜好趁獅兒尋舊跡漫從鱗爪盼
高翔階梯往復忘攀躋敢道吾儕興獨狂

五言排律選一首

擬和 駕幸闕里

乾行占象協皇路應時昌遊豫矜蒼赤參稽遯素王
特臨齊魯地爲入聖賢鄉蠹蠹龜蒙聳源源洙泗長
宮牆方駐驂石闕早成梁矍相圃如故舞雩臺未荒
犧尊禮肅穆鳳吹樂鏗鏘弟子趨蹌往期門踴躍將

隆儀古未有寵錫獨非常一額懸新典九龍葢舊堂
檜生欽手植著備景神藏萬代文章仰千春道德光
五言絕句選二首

月夜泛洞庭

秋樹倚雲栽秋風逐浪開孤舟天外至疑是月中來
戍鼓響湖邊鼓鳴人尙眠但聞聲近水不省是何船
七言絕句選四首

秦少游故里

文章早自雄淮漢又向睂山問少游來往中泠誰作
主東坡昔已任常州

桃源洞口

聞道桃源好避秦
扁舟遙爲訪仙津
依然洞口桃花路
誰是當時避世人

潯陽沽酒

何必江州舊酒家
杖頭錢解莫言賒
醺醺畧得柴桑意
一曲村歌數部蛙

小孤山

見說海門第一關
孤峰擁寺聽潺湲
中撐鐵柱長千尺
波浪無驚僧自閒

任

衡貴竹字長鈞所著有陋室艸

五言律選四首

六一書院

覽勝尋書院蕭條舊址荒
遠山猶在眼落葉自經霜
鳥雀行欹徑蓬蒿出短墻
徘徊無限意今昔轉蒼茫

釣岸江有作

巉徑古蘿橫澄江夜氣清
月輝波上色猿嘯峽中聲
蓴細連絲煮鱗鮮汲水烹
微醺磯畔立伴釣憇勞生

對几上假山

獨隱烏皮几神遊小有天
非徒塵外賞頗得靜中緣

夜氣滋苔翠
櫺光入岫妍
未嘗朝夕
拜應笑米公顛

九日

令節思鄉國
愁心極目賒
千層山碧落
一片露蒼葭
忽忽來霜信
蕭蕭止野花
無端長徙倚
遠樹集昏鴉

七言律選一首

花朝有感

流年半是蹉跎過
冉冉芳辰去不來
迴念當身酸到
骨
靜思底事冷於灰
檐埋愁雨青催
艸庭掩春風錦
覆苔
連日未曾攜杖看
園花一色向誰開

龍可旌

黃岡字在浚號鶴皋甲科
仕令所著有成趣園集

五言律選三首

十五夜望月思家

誰知今夜月
雨後更盈軒
河漢輕陰散
梧桐素影翻
鐘鳴谷自應
梵響寺無諠
遙望清輝滿
還應照故園
贈頂白上人

曉寺日曛曛
禪房曲徑通
蒲團聊說偈
松閣更臨風
梵息諸天靜
心清萬象空
遠公饒逸興
頻訪意何窮

春暮德州道中

疎嬾頗成習
今朝復此行
野花綠岸發
谷鳥向人鳴

極目春將晚拈詩句自清平沙走馬後翻笑往還輕

七言律選二十二首

玉華洞

洞中有仙田仙井一線天出海蒼龍玉柱擎天金鼠文禽三教倒懸曙色朝天

種種諸奇勝土人然火導遊逐一指點數里始出此下二首皆備紀其遺跡耳

冷風拂洞迴靈奇石徑攀援歷險巖金鼠文禽時起
伏瓊樓丹井自高卑山藏明月天將曉水挂虹霓鐘
度遲踏徧仙踪仙未見赤松絕粒不須疑
仙人樓閣本天然勝蹟猶存藥不傳面壁陳公原住
腳渡江衲子不須船千巖有柱擎霄漢三教何時解
倒懸行到五更疑待漏徐看曙色喜朝天

寺桂盛開

天香合向廣寒栽梵宇爭看點翠苔客值三秋諸感
集花當九月數株開漫疑金粟從空現別有丹砂照
眼來有丹桂一色相暫新元是幻閒情聊寄首重回

飲曹惠公園中

閒園雅集共徘徊隔水羣峰面面來客向松陰頻縱
飲花連竹徑見重開論交片語留肝膽投轄深情重
草萊歸去已知天欲暝濛濛煙雨恰相催

都門長至感懷

緇衣梵響佛龕香客裏閒聽倚畫廊胸臆不行身似

清言二集卷二
二
歿雲霄無路日空長楚江鼓棹家千里燕市悲歌詩
一囊太史應書雲物異歸心久逐鴈南翔

雪後早發德州

千里寒光淨碧空鷄鳴起舞客匆匆月添雪後渾無
色夜入冬深更有風漫笑高人臥未穩卻思驢背句
誰工前村有酒真堪醉乘興東方曙色紅

冬日齊城晚眺有感

靜倚齊城眺望賒愧從薄宦老年華烏爭落日青雲
杳木度淒風暮景斜多病侵人添白髮勞生無路覓
丹砂濁醪呼取涓涓飲醉逐浮萍不憶家

重遊趵突泉

潺潺噴薄渾天工東國名泉孰與同面水欄干長度
月倚雲樓角迴凌風高人題詠披圖滿過客登臨逐
眼空形勝不殊華髮改此來依舊苦飄蓬

人日感懷

幾年宦冷渾如夢寂寂春光靜對長佳日每從愁裏
過壯心翻向酒中狂誰將綵勝供遊日不見梅花空
斷腸聞道西南金鼓震頓教客子倍思鄉

初度逢立秋

牢落棲遲尙客居間來高枕卽吾廬青山有夢鄉關

遠黃髮無情歲月虛
薊北官軍多去馬
漢南親友少來書
年過四十行將老
空對秋風憶楚魚

九日蔡州問津道中苦雨

宣聖曾經此問津
今朝策馬渡河濱
苦遭密雨青衫濕
不見故園黃菊新
長路衝風防落帽
誰家送酒有來人
丹巖碧水知非遠
擬向樊湖把釣綸

九日同三弟五弟舟過梁子

波光淡蕩曉烟寒
逆水牽舟露未乾
地隔一江誰是主
節逢九日漫加餐
憶從鞀鼓居難定
暫借鷓鴣枝豈安
此去湖中知不遠
弟兄貰酒且爲歡

清明苦雨次黎覺先原韻二首

比來風雨日紛紛
寒食初過烟火存
村鼓時時喧野店
漁舟箇箇傍衡門
殘花亂葢春將晚
把酒題詩我細論
愁極呼晴天不應
小牕兀坐度朝昏
雨摧榆莢墜紛紛
風捲柳花嗟不存
久分烟霞爲痼疾
翻從鞀鼓老柴門
三年流落愁中過
十載升沉醉後論
抱却紙鳶何處放
兒童悵望已黃昏

都門上巳有感

燕關楊柳未飄青
客舍驚看送遠人
擗管傳觴悲往事
桃花流水憶江濱
那堪旅食頻年過
又見芳辰一

度新自笑鹿門妻子在何如歸隱共垂綸
春暮旅食有感

孤踪永日傍禪龕燕市悲歌迴不堪斗酒雙柑誰共
賞鶯嬌柳鞦韆幾曾探花飛上苑春將晚人負韶光月
已三寄語故園歸思切夢魂長繞楚江南

立春 得春字

條風初拂未歸人又見高門菜甲新世事盡如草上
露勲名曾訝夢中春鳥啼戶外聲常滿客坐床前話
倍親寄語故園雙燕子啣泥還蹴舊梁塵

春日細雨感懷

雨裊階除曉未停藤蘿一夜盡生青細絲輕颺還堪
見潤物無聲那可聽良嶽草芳春帶濕黃河風起晝
全暝浮雲蔽卻燕關遠只合悲吟對短屏

春日小亭偶成三首

卜築園垣似小岑朝朝直上喜登臨盡拋塵世浮名
累一片閒雲野鶴心經案繩床供坐嘯松濤竹響襍
彈琴春來極目情無限幾度徘徊倚樹陰

連朝積雨鎖莓苔何意新晴霽色開竹籬花明爭自
發蜂喧蝶暖趁人來幽居且喜逃名久樛散元非用
世材爲道漢陰長抱甕忘機鷗鳥莫相猜

隔市初無車馬喧小園結構向城偏亭臺孤峙纔容
膝木石欹斜別有天花似媚春逢客笑月知入夜向
人圓幾回默坐塵氛絕茗火香風一逕烟

東坡故居

似向青門學種瓜雪堂遺址祗堪嗟澄江入夢橫孤
鶴明月從遊上小艇疾病誤傳還自笑饑寒併日且
爲家才名千古誰能續空對荒榛起暮鴉

七言絕句選八首

閒步

客牕闌寂轉淒然偶起尋芳倚檻邊山外鶯啼如解

語林間花好亦爭妍

題畫梅

疎枝冷蕊態珊珊今日翻從畫裏看卻憶有情香入
夢壽陽一點帶春寒

初至歷城書所見

風和日暖淨無塵縱轡行行向郡城翹首麥田青未
了迎人花鳥倍怡情

濟陽郊行紀事二首

綠野黃花滿目新此來猶得見殘春數家烟火連平
屋一帶樵蘇任野人

清言二集卷六
六
株株棗樹自成行沿路風來花更香四野祇今憂旱切
塞帷愁見麥苗黃

湖中紀事三首

濤聲澎湃夜來多舟子羣呼避小河獨羨漁翁藏別浦
不知人世有風波

仙人洞接青蓮菴松竹森森佛一龕莫訝常時來往慣
蕭疎野趣性情耽

桃源面面水流聲信宿漁郎得問津回首渾疑塵世遠
好乘明月漫投綸

程高亮

祁門字子猶別號楓林樊子所著有果園詩集

五言絕句選二十首

蘿屋

藤蘿挂削壁曲徑可相通幽人何處去遠在白雲中
蘆花釣艇

溪亭落照

一棹清溪外蒹葭寓此身前汀鴻雁起可亦有漁人
落日照亭欂寒鴉噪晚風數聲牛背笛吹出亂烟中
望遠

極目杳無際空明鳥路長紅塵飛不到歷歷對分行

壑對

蒼山遙萬疊古木相環抱望中似有人蘓門動長嘯

奇峯

石破天驚處縱笙第幾峯鳥飛翠微裡猿嘯有無中

茅屋

茅屋伴幽岑烟迷一徑淡跣趺者誰子枕席白雲侵

魚艇

落落空江外風生江路長浩歌還擊楫欵乃唱斜陽

洗耳

風塵不到處浩渺一江秋洗耳殊堪怪何人據上流

雜題三首

霧浸堤邊柳雲開嶺外峰投竿無限意盡付碧流中

湖光萬頃白對老六朝秋倚杖無窮思盟心沙土鷗

小立長林下江聲四面秋忘機性自澆飛下水中鷗

溪亭

虛亭出木末秋色滿峰頭谷靜烟還結溪清石欲流

策杖

老足秋能健孤筇興益豪道人無俗事掃石坐林臯

晚照

江上暮烟生片帆挂落日遙看嶺半楓對對皆成赤

溪棹

遠岫杳初放垂楊處處青
雨來歸去疾打槳破浮萍

訪隱者

疎籬砌落葉茅屋倚青松
曲徑雲深處斯人宛在中

江村

風細一亭幽舟橫兩岫濶
山光共水光遠近互生活

酒家

煙封籠前徑飛花點竹扉
幽情何處遣貰酒過橋歸

題四

一帶寒烟外虛亭傍水斜
幽人吟不盡秋色映平沙

吳延楨

長洲字山掄所著有南邨詩

五言古選二首

幽琴

次和劉隨州雜詩八首之二

山月照澗戶調琴清夜闌
松風一以拂繞指流泉寒

精靈偶出聽窈眇成哀彈
中散今已矣賞音良獨難

寒缸

永夜凝蘭釭虛堂照寂寞
霜風乍披帷澹澹孤花落

明膏徒自煎冷燄竟安託
牆角行棄置吁嗟舊恩薄

五言律選二首

淮陰曉發

孤棹動霜曉夢回問水程入船殘月冷到枕遠鐘清
古樹翻棲鳥危樓咽曙更王孫何處所寂寞釣臺傾

天妃廟

斷堰鎖崔嵬奔流下石隈勢吞淮甸盡聲撼海門開
水氣晴吹雨天風夕送雷扣舷驚絕險誰是濟川才

七言律選一首

焦山次韻

芙蓉片片落晴波山脚春帆拂檻過江走白沙銜日
月天開青壁削岷峨雙峰縹緲飛仙掌一鑑空明古
佛螺枕石眠雲堪送老月因三詔出烟蘿

吳奮鵬

江陵字圖南號坦菴
所著有上庸等草

五言律選五首

春夜有懷同宋于上朱綬青分韻卽寄舍弟

二月多風雨山城早落花春寒猶擁褐旅夢久還家
情到詩頻寄酒闌漏漸加鵲鴿空有賦此日各天涯
懷王鄰蓬適館潘明府署中

春老懷人夜閉門耐索居一城猶此隔千里更何如
貧到官無况狂來世盡疎牢騷歸斗酒明日且裁書
過竹谿

最畏竹谿路寒威復曉過徑欲驢背仄風細葉聲多

野爨烟吞樹春城蕨當禾峰頭立怪石歷歷盡藤蘿
不寐

春盡猶長夜從誰覓睡方浮名羈薄宦旅思繞空腸
伏枕心常滿成詩夢不妨鴉栖終未穩鳴噪及晨光
看童子摘野蔬

一宦薄如許誰人肯送肝荒烟無續爨野藪偶餘餐
園省於陵灌羨饒杜甫燧終朝閒採掇彈鋏免馮驩
七言律選四首

贈朱理菴

杖策蕭蕭行路難連床羈舍共盤桓荒城聽雨人同

調古寺無燈佛亦寒午夜星燧成鶴夢滿江月上冷
漁竿書生自有封侯骨却笑青蓮願識韓

喜隣蓬至

愁緒紛披不可裁幾番笑口向誰開一官苜蓿人將
老千里風霜客又來贏得乾坤惟剩懶看多今古少
憐才何時共理長湖棹荔帶荷衣上釣臺

舊寓蕭寺今僦居面江對山頗覺軒敞偶憶蘓
長公寄子由詩冷官無事屋廬深作起句亦

以寄子兄弟

冷官無事屋廬深好貯殘書更理琴窮且自甘操白

清言二集卷一
壁交來何惜斷黃金浮名真悔痴心誤壯志空慚短
鬢侵鍾子難逢流水在柴門相對有知音

新柳

疎雨隨風落小池柔條嫩綠幾千絲無端向客輕拋
緒着意學人掃淡看飄蕩何因還舊態風流不改似
當時他鄉故國春無限一任狂蹤那得知

七言絕句選一首

春日晏起

春深無那客思牽病骨支床喜熟眠小鳥惜花偏起
早聲聲驚喚隔窻前

夏

璪

武昌字方玉號任菴孝廉
仕令所著有嶽雲堂詩集

五言古選三首

擬阮嗣宗詠懷十五首之一

叔夜默解形郭璞懷禽變稚川乞句漏丹砂終不鍊
老松堅歲寒華李若朝霞所抱下惠慚安用空婉變
大息殺中機達生生可羨八簫駕紫蚪凌雲笑赤縣
依李太白古體

流光無代謝白日凋朱顏朱鳳銜靈草飛上赤城山
化作青童子中天漱玉泉安期采大藥千載何時還
羽鶴今已死滄洲不復田且看北地花含和弄紫烟

出門楊柳綠入門華桐死客心無日月道路不得止
二月花信風送君發揚子嚴冬霜雪寒隴首鬱行李
君行志海嶽妾不願封侯鏡中顏色改照見人白頭
五言律選六首

戲示阿松

出門不數武數數牽衣裳况此天涯客何年春草堂
問書開北舍看鳥過東牆一飯三啼罷饑寒典鷓鴣
哭王子雲先生

因檢贈書札貧過載酒樓文章荒世用家國有餘愁

薄俗欣傳死江頭罷釣舟再來容汎愛莫復此離憂

閒愁

放眼愁何事饑寒且歲時母煩陶令酒來醉菊花詩
落日延清緒孤雲動往思蟲吟天地閉幽嬾信吾私

感遇

鬱鬱山中桂青青江上蘅自從歸粟里不復夢西京
墨醉新池黑梅橫老眼清白頭多病慣萬慮總成輕

春去

春光何處是柳影閉門西竹露翻蛛綴花牀濕燕泥
側身同霧豹吾道等醯雞信有滄洲趣空憐杜宇啼

風便過馬當

半被枕清霜輕舟逼馬當江昏山失險帆疾月迎檣
乍覺凌飛鳥潛聽過土囊祖鞭如可著吾擬問滕王

七言律選七首

少陵臺懷古

即古南樓故址

魯殿秦碑一草萊南樓換作少陵臺千家野樹荒荒
合半閣浮雲疊疊來邂逅乾坤疑老眼蒼茫今古共
殘杯尋花海嶽誰爲客日暮孤城泗水洄

燕臺春晚

七年燕市鬢成絲夢裏江南聽子雉到去林宗還埽

地歸來靖節不吟詩碁聲夜落三更月酒力朝迎一
線曦鄰火他鄉春色晚藥欄花影上衆思

發舟臨安抵姑蘇

柔條岸岸小桑煙水國人家鷗鷺天越女千橈當采
葛吳兒八繭自耕田催殘湖海風波夢未了乾坤鰕
菜船夜半虎丘山下月錦帆蕭寂過前川

西陵重晤李雲田

八年無夢不相思換酒金魚片刻時古寺寒添秋後
色良朋老共別來詩悲歌海內誰鸚鵡拓落山南已
豆萁好記麻姑今夜月莫爲蕩子只驅饑

雲田自稱老蕩子

客秋夜坐

五斗柴桑事未休何年食肉與封侯步兵對客愁青
眼江總還家愧黑頭疊鼓頻催蝴蝶夢清燈遙憶荔
枝秋玉京疇昔歌誰似燕市無人問酒籌

草堂清課與兩兒子

霞日朝雲覆碧渠曉尋藥碗理芳鉏柳陰入坐香遲
鳥荷葉初田墨飼魚近得陶潛閒裏趣不臨張旭醉
中書清時看汝門東飯五嶽歸來一敝廬

岳陽樓故址

仙人不上岳陽樓青草何年一葉舟看盡湘山浮浩

月幾堆劫火問中流巴蛇彷彿吞雲夢野鶴倉黃過
卜洲放浪高歌無限憾長濤吹起雪盈頭

七言絕句選六首

雜吟十六首之三

南郊禮後解聞韶便浴溫泉載儉獠洗乳長星渾不
見君王弧矢射霜雕

龜茲弟子散如煙侍女空傳夢八千紅豆何堪唱不
得宜春亭畔草芊芊

日暖香鑪鴛翡翠天晴宮瓦宿鴛鴦銀罌面藥經年
少御柳吹來是白楊

感舊

數峯江上懷人晚一飯胡麻已二年昨夜天台歸憾
遠夢中無路覓遊仙

有思

架上啼鸚疑有夢燈前促織本無思儂心已化山頭
石鄰舍何人舞柘枝

匹馬征衫事未休近來少婦解新愁君行不渡桑乾
水妾夢燕雲十六州

吳日光

將樂字方炳號焯菴進士所著有草草亭詩

樂府選一首

登釣臺歌

登釣臺兮嗟峨俯江流兮逶迤石矗矗兮雲委松鬱
鬱兮交柯舟容與兮上下遊儵魚兮逝波傷歲月兮
奄逝擊磬石兮浩歌無終畱兮過客渺一望兮情多
五言古選一首

山行

春舟去不速山行爽心目喜蒙暄暖扶得偶不嫌獨
流翠殊逼人峰迴入深谷飛鳥絕可憐幽花夾叢竹

徘徊岐路間，偃息蔭嘉木。遊神太古初，和風上春服。
行行未覺勞，何用步兵哭。

七言古選二首

烏龍山歌

烏龍山雲霧何漫漫，浩氣與天逼。疑有蛟龍蟠，神仙
不可見。白晝生空寒，面接千山之巖。從背流萬里之
激湍，嚴州南北峙。煙巒兩兩羅，立如衙官那無甘露。
承金盤，終當神女摩青鸞。鬱葱佳氣誰爲看，斗星搖
搖不可攀。烏龍山雲霧何漫漫。

施司馬惠荔枝柬謝

最愛故鄉六月時，街頭人賣鮮荔枝。幾經想慕如饑
渴，縮地無術歸難期。司馬分甘持餉我，冰盤掩映顆
離離。丹如虬珠紫如電，玉爲骨兮雪爲脂。瑞露天漿
差可比，清香能洗我心脾。畫圖空憶當年事，白樂天事
望投瓊慰所思。

五言律選六首

飲湛碧亭口占

春日移樽處，孤亭景象幽。清風花外度，啼鳥竹邊留。
梅冷因巖瘦，詩狂藉酒收。歸來煙市晚，應策紫驂騶。
登北高峰遇雨

清言二集卷二
一上衆山小此山獨擅名峰高猶有塔煙動若無城
呼吸通天籟歌吟和雨聲如何乘興處神女散花迎
惜春

春光去偏速際此獨傷神人與時俱老官何久愈貧
繁華雖有候利達豈無因萬慮憑誰說惟教酒入唇
春日携酒率兒輩登覽勝亭

傍郭荒亭小憑高興轉幽人煙迷遠樹春色亂江流
眼底浮生逝天涯羈宦愁呼兒頻進酒夕照滿山頭

對月

好樹不礙月踈櫺自映花狂須長縱酒愁豈但思家

燕石羞崑玉鉛刀惱莫邪何堪蓬鬢盡急欲覓丹砂

遊四祖寺喜晤雪樵大師 建寧人

鳳麓山前寺仍傳四祖燈青塵封寶相碧瓦走枯藤
岑寂他鄉客遲留故國僧片時談妙諦已得判宗乘
七言律選十二首

芍藥花

名花開得玉盤盃婪尾留春春未徂是日粧成催羯
鼓幾番探去遣長鬚秦姬上馬誰當掖西子臨風便
索扶聞說廣陵三十二最憐妙種插冰壺

晚蟬

永日惟供一局棋
蟬聲斷續夕陽時
風前有意鳴幽籟
月下無心理亂絲
已許高懷餐潔露
更憐美蔭護喬枝
故園景物真如昨
觸忤年年憶別離

賦得鶯到垂楊不惜聲

春光淺碧帶朝煙
萬綠枝頭奏管絃
漫道無知能應節
偏憎有韻卻驚眠
撩人淑景應須惜
求友芳聲總可憐
最愛細腰歌睨睨
雙柑斗酒慕當年

柬蔣公桓惠菊

蔣君癖愛陶潛菊
採掇英華長養天
傲岸固宜高士友
芳未許衆花肩
移來牕下添幽趣
看到籬邊足

醉眠佳色未遭霜
力奪朝來裛露自娟娟

月下菊

餐英何必向東籬
逸致亭亭月下宜
隱約階前羞粉黛
依稀香裏辨清奇
淡情許並蟾光潔
傲骨那辭霜力欺
對此怡然消百慮
銜杯滿酌復奚疑

宿般若寺

兀坐朝朝面翠岑
風來淡蕩獨披襟
禪枝有鳥時還往
澗水無心自淺深
遣興且尋僧對局
消愁惟貰酒長吟
清宵鐵笛終三弄

僧善吹笛

引得寒光到樹陰

坐月

清言二集卷四
坐愛清光不欲眠庭如積水興悠然烹茶未肯煩童子飲酒偏能學謫仙已怕秋聲來樹末誰教蛩語聒牕前三更月冷寒生袂萬慮仍尋到枕邊

蘄陽覽古

麒麟山峙鳳凰堆策杖登臨實快哉舊巷衣冠渾草野前王第宅久蒿萊前朝荆王廢邸市無人語鴉先集戶有苔生燕不回多少瘡痍愁未起濟時須仗出羣才

胡畏齋以齋中雜咏見寄次答之二

應識高人地自偏乞花新句響流泉索居媿我添詩債傳舍勞君費俸錢樹鎖青煙畱鳥語牕開白日枕

書眠歸來竹影遮幽徑

畏齋有徑不厭深新種竹句

無語相逢息

萬綠

荒衙咫尺傍牆東官冷猶憐臭味同遶屋空畱明夜月登樓常怯暮秋風每看劍氣橫天外已識棋形在局中我正含悽嗟過隙舉頭又見噉新鴻

胡畏齋送春原韻

桑陰正喜繭初肥無那園林花事非江漲鳧羣翻急溜泥融燕子話清暉箇中景物隨時見身外閒愁付醉歸欲挽春光抔塊壘年來多願與心違

携酒赤壁作竟日歡

同胡畏齋劉特菴程緘齋孫聖草陳南有暨兒輩

屹然赤壁枕江邊
水泛林梢接遠天
小築數家迷綠柳
長湖萬馬破蒼煙
宮商迭奏隨流響
黑白渾忘付醉眠

座有彈琴有對奕者

鶴夢與人俱往矣
殘碑讀罷覺悽然

七言絕句選二首

中秋無月

准擬今宵一樽酒
敢邀明月上闌干
無端風雨催佳節
辜負清魂入廣寒

蓮

嫣然一笑出風塵
莫怪凌波欲效顰
好折碧筒相勸賞
十千沽酒莫辭貧

張天秩

孝感字五庸號西邨所著有鱉與刺響

五言律選八首

程叔倫石屋過訪東池次韻

卜築依城曲誅茅
豈畏人畱雲依樹
杪帶雨長苔新
歲月常為客蓬蒿
只此身忽聞過二
仲倒着接羅巾
幽僻少塵埃紛拏
盡日刪漲添成澤
國林密即溪山
度水蟬聲細橫窓
花影閒柴扉無剝
啄鳥語自關關

晚坐曝書樓

飯罷日初收輕寒
拂短裘鳥鷓喧落
木風急動危樓
遠岫微雲合虛窓
暮靄浮盈盈三萬
軸許我共追求

登遂平城樓

落日白荒荒，暝色動林薄。隱隱群峯青，寥寥見城郭。
今古何渺茫，川原真曠濶。俯仰臨高樓，心目一爲豁。
初夏過郭淑汾新構書屋畱飲二首
舊傳林壑美，位置又從新。花事雖云晚，鳥聲猶帶春。
爲聯求仲過，共作酒泉民。記取桃源路，重來好問津。
結屋依林表，悠然山四圍。聽來鶯語滑，坐愛綠陰肥。
圖史橫窓牖，藤蘿掛竹扉。多君雞黍約，幽興肯相違。

寄懷嚴甥旦園民部

爲憶京華客，春襟鬱不開。廿年詩酒興，千里雁書來。

事業承先志，聲名接上台。湖山頻極目，搔髮重徘徊。
五載違京國，長年臥薜蘿。青雲徒有意，白雪未成歌。
入世機心少，生涯筆墨多。幾回清夢裏，彷彿聽鳴珂。

七言律選二首

讀羅魯峯秦淮詩鈔感作

寒煙野水意迢迢，夢斷江南第七橋。勝事已隨芳草
去，殘香每逐蝶魂消。臨春荒草閒歌扇，桃葉清流咽
洞簫。何日溪頭橫小艇，開懷端藉酒杯澆。

蘇萊下丑秋出都
錦城秋色送征鞍，蹀躞晴沙逐曉寒。野服自難畱

帝里迂踈只合在湖山
迎人爽氣西峯翠
慰客離懷楓葉丹
瓊重蘆溝橋上月
十年記得幾回看

七言絕句選三首

涉園雜咏

綠楊薄暮亂棲鴉
小立池邊看落霞
泛泛流螢無定
看隔崖風動水菱花

淡煙踈竹映幽齋
搖曳簾旌燕子來
人在閒窓清似
水綠陰分影上樓臺

曉窓散帙日遲遲
有客相過話水湄
閒看花飛塵不
到一庭細雨好烹葵

王

籀威縣字邁聖號墨江所著有且如是作鼓盆集

五言律選四首

觀海

雲垂水盡立風起
帆皆偏城外豈無國島中
別有天龍腥嘗隱霧
層氣遠浮煙欲弔田橫
客低徊薄暮還燒豆

燒豆

秋竹燒紅豆典裘
汎綠尊空囊雙履
弊遺業一瓢存問法湖邊寺
逃名江上村平生原傲物
羞入信陵門同魏念庭
林倩行金陵道上

溪草連村台山樓帶郭
橫江酒桃葉渡月暗石頭城

目逐浮雲斷潮隨旅夢生憑誰溯六代積古賴桓榮
月中吟

夜光不解老蟾兔總長生出海疑還濕當天卻更明
何妨邀一醉儘可坐三更露滴香來遠新開桂幾莖
七言律選三首

過昭烈故里

策蹇畿南道上行樓桑留得舊時名三分開國齊光
武一德同心有孔明雷動錦川龍蹙浪雲昏白帝日
無精孰知天意終炎漢王業偏安竟未成

讀岳鄂王滿江紅詞有感

衝冠怒寫滿江紅直擣黃龍指顧中鐵騎三千擒上
將金牌十二詔元戎比干沒後商隨覆諸葛生前漢
未終萬古精忠爭日月西湖俎豆類江東

留別布衣杜瓜里先生

別人歲月感霜華問道空同一命車古路無多八九
里比隣有幾兩三家長松樹下琴聲靜老瓦盆中酒
味賒此去相思何所寄江城驛路有梅花

五言絕句選二首

讀寒山寺碑

昔聞孟子昇今過寒山寺一片石猶存行人誰識字

裁尺
十寸安南木規圓復矩方愁來千萬縷長短可能量
七言絕句選二首

紅梅花

疎枝嶺畔形猶古冷蘂江頭香更繁應是玉砂成絳
雪請君莫作杏花看

虞美人花

環珮無聲血染沙貞魂變作美人花當年成敗應休
論此日江東非漢家

黃朝暉

杖江字于芝所
著有麋鹿園詩

五言律選五首

奉寄毘陵馬禹躬先生

時徵詩
楚中

片舫離吳會採風入楚都滄浪仍澹遠文物半凋枯
空有周南滯虛隨郢客徒還家應大笑蠻語解奚奴
石羊山谷人家

路下黃茅嶺人家共一村竹枝舍雨氣木葉帶烟痕
曲巷牛羣入淡池鷺鴨喧不知何處所彷彿認桃源
久雨漫興

淡林積雨後落澗水潺湲啼鳥有時太柴扉盡日關

清言一集卷
盆中盈尺對窓裏一卷山直覺清幽甚無營心自閒
秋林讀書

把卷秋林裡長吟坐起遲
耽幽常愛画因懶罷裁詩
爐火掃風葉瓶花折露枝
無人將此意輸我北窗時

同李方山夜話

一燈虛室白顧影笑支離
犬吠村孤處蛙喧雨住時
興濃渾似酒語妙總如詩
廿載通情悖疎狂兩不疑

七言律選二首

湖上

幽棲日日掩荆扉
懶慢從教生事微
蓬華小成漁父

艇支荷寬製道人衣
遠天春盡雁還去
獨對花開蜂自飛
記與吳融經歲別
幾回書札問漁磯

登高江上有懷紹持上人


晚秋風物遠
淒淒綠酒黃花惜解携
江上小臺登眺
望客中前夜宿
招提寒城霜落聞砧急
平楚天長見雁低
一別遠師常在念
片雲遙隔郡樓西

五言絕句選二首

周東村秋江罷釣圖

落雁下平沙
蓼花明沙嘴
停舟獨坐看
一江好秋水

雨泊淋溪口



原件短缺

P1

清言一集卷
挽舟泝上流夜泊淋溪口溪黯雨霏霏移舟傍衰柳
七言絕句選二首

溪上書屋

露柳風荷曲水涯草廬低結短籬斜安窻宜向空明
處好待秋深看荻花

題畫

菰蒲村口漁人住釣艇鱗鱗次水灣一抹殘陽煙樹
晚餘紅猶戀隔江山

世情雖日異孤懷夙所欽願爲鴛與鴦無爲商與參
掩淚入空閣駢復理殘砧

偶過道傍舍竹栢共成林田父向我言禾麥俱已深
茅屋無風雨石榻對山岑早曝東軒日羣鳥懷好音
晚看牛羊來牧豎成謳吟斗酒尚不薄折荷可自斟
開卷多是非長眠忘古今使我聞此語忽忽動初心
徘徊未能進默坐念幽尋

田家

交歡今有歲纍纍見登塲聽彼田禾好觸念到官糧
斗酒已新熟棗實正垂塘日暮晚風出相教且納涼

田事共始終豈不長勤苦世業在耕桑相成仰風雨
惟彼順天時虛中外無貳歲歲多餘歡春酒鳴社鼓
五言律選七首

鄰叟

東鄰有高士飲酒是平生不問家人產安思市外情
望雲隨澗出看月傍樓明遂此多閑逸鈔書近蒲籬
亦自幽棲久十年種竹成息心無所事閱世更何名
戶入雙峰色溪收兩澗聲南山看不厭非是託孤清

寄家書

客意總難盡天涯惟有書穉兒文似否老母健何如

竹種當無恙花開定有餘三春風雨足幾度蒲前渠
客中途便使半晌託三書非異初番信常妨寄去虛
貧因昔日定病自近來踈深夜無多事直看月過廬

出塞

凍雲迷四塞隨地若霜凝我亦憐青塚人多壯白登
千秋同短夢幾處是傳燈只有關山月由來照舊陵
同聚伯弟畱左衛署中

霜月中霄冷清光對影憐三秋孤蘇外萬感一燈懸
西盡中原地南看北斗前寒風凍雁字零落塞雲邊
客中對月卽事

清言二集卷三
三
嘆息起中夜懷人不可求
翻書煥短燭買酒盡殘籌
花蒲鄰園漏詩悲客夜
秋南來雲未見孤月在寒樓

七言律選六首

長安將歸東別龔芝麓大中丞

黑雲凍地結千盤
落木紛紛草閣寒
露滲鱗毫侵玳瑁
香凝雀尾壓琅玕
蕭疎黃菊三秋冷
寂寞紅裳五夜乾
我欲碎琴人不識
廣陵一曲爲君彈

墨莊雜咏

不必衡山再上書
溪南竹隱亦安居
寢丘尺地先臣請
東壁殘編然燭餘
日午爭摹乞米帖
春深常學帶

經耒吾家有弟偕
匡菴愛向煙嵐共結廬

經年托跡水雲鄉
鬢髮新交菊上霜
老眼漸看妻子重
孤情閒對古今忙
貧來菰米全充釜
病裏鑿書半在床
一月十齋非伎佛
三旬九食念無糧

西湖夜泛

南北高峰受月全
小舟輕棹坐潺湲
驚心楚澤愁風鶴
冷眼吳謳送畫舫
隔岸露林遙帶濕
半湖秋水自生煙
六橋燈火中宵徹
不許遊人盡夜眠

晨起出五勝關僮子索家報

五更烏語催天曙
數點疎星排曉裝
漸信客身無穩

清言一集卷四
四
夢不辭驢背有嚴霜關中店月仍三戶嶺外人煙是
大梁說到前溪非故地那堪落筆寫蒼涼

鼇溪客寓

儂來斗室不堪棲貧病長憐費咲啼賴得鷓鴣覓酒
債又添葠木補詩題一旬霜冷鴛鴦瓦五夜風吹燕
子泥我亦有山能結屋何爲浪跡向寒谿

雲中寄懷長安諸公暨青溪兄聚伯弟

長安夜雨對寒檠記得連床共客情忙我褐衣蒙塞
月閒君燈影落枯枰論交不敢畱肝胆泣別由來許
弟兄若問漢宮青塚在蕭蕭草木起邊聲

